

琴隱園詩集

石

琴隱園詩集卷五

武進 湯貽汾 雨生

罷釣集

戊辰

年三十一一起呂城至泰安德州滄州青縣還里至金陵揚州再還里至青江滄州青縣止

正月五日雪夜揚州訪儲玉琴畱宿

因君有夢夢揚州卻向君家一夕畱
愁裏各添新白髮尊前同數舊盟鷗
誰憐司馬蕭蕭壁愧臥元龍屹屹樓
回首閒門三尺雪幾時重到剡溪舟

宿紅花鋪次壁間韻

落日停征騎茅檐矗野烟
入門聽燕語剪燭寫吟箋
自此爲齊客重來已八年
春風城七十詩興岱山顛

別泰安

席帽青衫亦可憐，那堪風雪五更天。
倦驢狡作橫行蟹，病僕寒成縮項鰻。
乞食難吟元亮句，買山空冀景興錢。
如何昨夜還鄉夢，猶自垂魚待母前。

用唐曹成王臯事

渡沂水

宿雨畱叢竹，朝暉散遠潯。
村雞多上屋，水鳥不貪林。
波闊馬心悸，沙鬆人跡深。
一年三渡此，搔首動愁吟。

德州贈孫淵如

星衍都轉

金章犀帶擁書城，開閣平津海內傾。
簪履紛招齊上客，詩書頻教魯諸生。
但畱青眼看風雅，直以丹心答聖明。
一片望春樓下水，十年無過使君清。

香花墩畔

合肥城外

慨前游潦倒重逢愧黑頭祖述鞭先悲失

馬弓虔刀在換無牛庸才豈有天能忌拙宦原應我自休
幾向灞陵逢醉尉多君一見轄偏投

驛馬

飛電絕橫門霜蹄帶血痕王程兼雨雪鞭影悸心魂辛苦
無如爾芻蕘卽是恩江南春正好款段入花村

寄內

祇應鸚鵡見眉顰寂寞紅閨度好春庭樹莫棲驚夢烏燈
花休卜寄書人眼前兒女三生債身外功名一片塵我便
傭書卿賣繡鍼神筆虎那醫貧

出門三步便悲吟況復饑驅別到今愧我投詩皆乞食知

誰佩印卽多金便成廡下攜妻日難忘花閒奉母心骨肉
飄零三十口思量一度一沾襟

怕隔

怕隔屏山拍記訛尊前催見斂微波時憑猿臂千年笛細
和鶯喉百轉歌秋靜梧桐敲冷夢日長鸚鵡見愁蛾一從
天女花吹散綺語尋常畏擲梭

山程小雨

黃塵一洗快征途望裏遙風淡欲無老樹空腔蛇出入官
橋高脊馬踟躕山深古戍無人守麥熟荒村有吏呼待取
鷺溪三尺絹模糊繪出米家圖

觀瀑

誰放仙槎上玉京舉頭一笑見蓬瀛直從天上來無礙便
向塵間去亦清萬古蛟龍俱有宅四山風雨絕無聲幾將
觀海平生眼看向涓流倦不明

雨中登岱宿南天門雨止

似有神仙接旋驚天地昏亂泉爭石壁飛雨下天門滄海
忽然小帝王猶爾尊勝游思盡興不寐俟朝曦

至日觀不見日

道人有約朝看日夜半當關便亟呼滄海忽驚隨指現魚
龍不敢上天扶一方鐘動乾坤闢萬壑風高星漢杳後夜
終尋程昱夢勸君休恨失東隅

自日觀至孔子殿

白雲如川流濺濺道人隔雲飄忽忽蒼松倒掛翠壁裂一
徑逶迤入深雪深雪無人蹤多年堅似鐵筇枝無能雙屐
拙驀然兩足生風霆但覺龍氣噓人腥阿香轉轂無留停
金蛇霍霍疾有聲天神若相語東土宜傾瓶下視無所見
上視空冥冥道人爲我道下方與我殊陰晴上方已旦下
未旦上方已晴下未晴欲觀天下大不易待撥浮雲千萬
層

捨身崖憫捨身者

捨身者歲歲有之某太守勒禁止捨身四字于石又環以棘而終不

能禁

佛法何從問誰非父母身亂雲埋白骨寒雨出青燐萬丈
還非地千年不到春任爲魑與魅故鬼莫求新

畱別南天門道士

守著天門醉與眠道人老矣怕成仙
成仙祇恐松喬壽歷劫翻遭五百年

歡飲須烹白石羊禁寒還借紫霞裳
游仙難忘今宵夢風雨眠君局腳牀

扶桑杯海挂東峯何日重攜看日筇
腳底雲烟千萬古一齊收拾到心胸

前緣已了後緣空吹下天門似斷蓬
折卻導師方竹杖下曾游徧上清宮

歸里二句又有金陵之行感賦

白雪紅梅自煮茶童時常此坐窗紗
十年風雨能無夢一

日飄零尙有家過眼繁華消似霧成行兒女弱於花林泉
漫作今生想二頃能耕也足誇

欣教倦翮暫飛停被壓黃綢夢略甯旭日到窗紅次第閒
花落架紫零星絕交書下門羅雀乞食詩投鐘撞廷朝興
敝裘宵典葛征塵浣過尙餘腥

不多時又欲離羣補綴征衫仗細君逼迫頻勞新令尹擲
掄可愧故將軍愁腸車軸爭千轉笑面韉皮學幾分多謝
親朋紛折束朝朝軟腳正殷勤

一琴一劍一書囊此去難云必有方小草無情知益母好
花何意號離娘須慚伏櫪隨凡馬豈羨封侯等爛羊祇恐
忽忽萊子老錦衣非是易還鄉

晚晴舟中作

人晦如人病初晴似客歸亂雲何處滅衆鳥一時飛畫意
溪邊艇幽情江上扉牧童歸去晚猶自着蓑衣

舟過攝山欲遊不果

風利不得泊續遊無夙因

庚申秋曾遊於此

仰看蒼栢殿遙見緇

衣人巖壑鍾天秀蘭芝發古春樵翁何自識仙草襍荆薪

石頭地外野宿

匝月閒居舊草堂前端陽到後端陽難除詩酒膏盲癖又
入衣冠傀儡場一夢不成蟲四野十年回憶淚千行石頭
城外傷心柳依舊畱儂繫短航

一華庵晤小狂畱宿

今朝握手笑軒渠陳迹還同轉磨驢一樣清貧君更老十
年觴詠我偏虛燈前不厭通宵語別後何無半紙書知否
孤鴻天萬里夢隨秋月到君廬

謂奉寄孤雁之作

收拾琴書只半肩山僧邀與伴雲眠逃禪蘇晉難除酒賣
卜君平豈愛錢患後田廬輕敝屣老來風月補良緣強於
飯後聽鐘客撲面黃塵二十年

席上贈人

狂歌痛飲及芳辰一笑恩仇總夙因三尺劍傍誰俠客千
秋亭外盡癡人漫憐季子初歸日爲惜文君再嫁身雁鶩
成行隨小吏丈夫無那是清貧

窺園獨坐

手種垂楊參碧空下帷人已自稱翁十年元白交投漆一

日羊求散斷蓬

謂蕉衫與余

几上苔痕隨意綠窗前秋色可憐

紅琅玕不報平安信卻向鄰家送好風

東鄰爲歐陽氏別業

追懷夢樓太守

蜜腐蒸瓠數舉觴兩行紅紛鬪新妝歌殘別院花成雪舞
倦當樓月似霜尋勝每邀欸段馬借書輕負束修羊等閒
舊事都難忘一夢分明快雨堂

秦淮

紅板橋邊斷紫驢綠楊風裏又輕舟忘憂草長宜春檻含
笑花開聽雨樓入座新朋瞞酒量隔簾熟妓識歌喉重來
潘鬢憐非惜雞枕蓮燈夢亦休

丁字簾前

笙歌銷歇動秋吟
丁字簾前舊夢尋
過雨紅橋低礙舫
到門碧樹上栖禽
花從開後終無語
蕉自生來便有心
錯認眉娘有夫婿
嫁衣才繡兩三絨

鍾山樵人賣柴于窺園小狂詫其竹擔光潔問之樵
曰山中黃道人物也道人居一洞罕與人接惟采
薪偶一遇之小狂因得一詩卽其竹擔書之曰蒲
團到處便安禪
枯坐何妨絕粥飧
聞道八山剛十里
卽今面壁已三年
巖前亂葉埋過膝
洞口松花落滿肩
偶向樵人寄詩句
可能隨意和狂顛
約樵人得和章
再來久之杳然
小狂入山訪之
則并不

見向者樵人矣予因代爲和焉

不求丹藥不棲禪
絳雪元霜我粥饘
雲去雲來消白日
花開花落記流年
但逢野鶴閒騎背
若遇仙人笑拍肩
只有紅顏難久駐
蓬萊羽客半華顛

維揚訪舊

片帆重到綠楊城
落落晨星感舊盟
卮閨黃楊貧宦境
回甘諫果故人情
髭絲禪榻消春夢
花幔茶檣聽玉笙
倒載青驄誰更識
紅樓猶記酒狂名

燕子磯重晤棲碧上人

一葉來尋舊釣磯
十年不見皎然詩
風波只在蒲團外
羨爾跣趺總不知

笑指杪羅話昔游樹猶如此不勝愁瑤琴一曲匆匆別彈
指聲中自白頭

燕子磯弔默默禪師

或問師何術導養致壽答曰飢時吃飯困來眠歿時百五歲矣

默坐蒲團百五年風波不見寺門前也知我死無君壽只

合加餐不暇眠

東坡志林有二措大言志一云我生平不足惟飯與睡耳他日得志當吃飽飯吃了

便睡睡了又吃一云我則異於是當吃了又吃何暇復睡耶

憶三江官舍手種花木十首

腸斷春殘谷口詩平泉易主悵年時等閒不入江郎夢獨

自書空怨阿誰

木筆

刺紅花發豔無雙後約何時向瑣窗幾日亭臺變荆棘秋

風淒絕賈長江

賈島詩薔薇花落秋風起荆棘滿庭君始知

徘徊幾度惜芳春

亦名徘徊花

紫玉多情念爾頻祇恐輕將纖

手刺折花人恨種花人

玫瑰

四時貪其百花開多歷榮枯幾百回不識翩翩雙鳳子可

還一月一飛來

月季

玉環消息幻秋烟翡翠飛還太可憐十斛明珠拋不惜幾

曾畱得一青錢

荷

輞川磁斗伴幽吟聲價何論霍定金最是無人芳更好水

晶簾下一張琴

蘭

等閒秋夢覺霜辰短髻猶存漉酒巾促織籬邊風雨節幾

時還到白衣人

菊

溪南舍北碧烟深倒插楊枝萬縷金慣倩雙柑紅袖擘不

尋鶯去待鶯尋柳

金壺倒向碧雲天絕勝巴東九萬牋只在讀書堂下種雨

聲原不攪人眠

蕉

百尺龍門屬望虛秋風早自到庭除舊時丹鳳今何處卻

被寒蟲笑不如

桐

夕陽

極目歸雲走暮天幾回惆悵大隄邊一村紅葉鴉爭樹十
丈黃塵馬著鞭祇覺葵心終有戀不堪絮影自生憐匆匆
邀得當頭月早與炎涼換眼前

白蓮

東林悲社冷太液憶恩濃高士有潔癖美人無冶容玉環